



Jahkeraporta (2019–2020)

Dohkkehuvvon allaskuvlastivrras 11.03.2020

Årsrapport (2019-2020) oversatt til samisk

Sisdoallu

I.	Stivrra doaibmadieđáhus	4
	Álggaheapmi	4
	Movt stivra oppalaččat árvvoštallá 2019 loahpalaš bohtosiid, resursageavaheami ja ulbmilolaheami	4
	2020 deháleamos vuoruheamit	5
	Movt stivra oppalaččat árvvoštallá ásahusa vejolašvuodaid ja hástalusaid ovddasguvlui	6
II.	Láidesteapmi ásahussii ja čoavddaloguide	7
III.	Dán jagi aktivitehtat ja bohtosat	8
	Sektormihttu 1 Alla kvalitehta oahpahas ja dutkamis	10
	Sektormihttu 2 Dutkan ja oahpahas buresbirgema, árvoháhkama ja nuppástuhttima dihte	12
	Sektormihttu 3 Buorre oahppoháhkkanvejolašvuolta	14
	Sektormihttu 4 Beaktilis, mánggabealat ja nanu alit oahpahussuorgi ja dutkanvuogádat ...	14
	Sámi Lohkanguovddáš – Sáme Låhkånguovdásj – Saemien Lohkemejarnge – Nasjonalt senter for samisk i opplæringen	16
	Čađahuvvon evalueremiid váldogávdnosat	17
	SAKS-ovttasbargu SA ja UiT gaskka.....	18
	Bohtosat ja ulbmilolaheapmi ruđaid dáfus mat leat juolluduvvon kap. 281 poasta 01 ja poasta 454 olis.....	19
IV.	Stivren ja bearráigeahčču ásahusas.....	19
	Mihtto- ja boadusgáibádusaid čuoovvoleapmi	20
	Beaktilis resursageavaheapmi	20
	Lágaid ja njuolggadusaid čuovvun	21
	Áigeguovdilis ja luohtehahti boadus- ja rehketdoallodiehtojuohtkin	21
	Oahpahallit.....	21
	Dásseárvu, girjáivuohta, vealaheapmi ja beasatlašvuolta	22
	Bargoeallinkriminalitehta	23
	Servodatsihkarvuolta ja gearggusvuolta	23
V.	Boahtteáiggeoainnuid árvvoštallan.....	24
VI.	Jahkerehketdoallu	24

Tabeallat ja govvosat

Govus 1 Organisašuvdnakárta.....	7
Tabealla 1: Sámi allaskuvlla váldologut.....	8
Tabealla 2: Našuvnnalaš stivrenparamehteriid bohtosat.....	9
Tabealla 3: Dieđalaš publikašuvdnalohku sámegillii, visot dieđalaš publikašuvnnaid ektui	13
Tabealla 4: Fágabargiid sohkabealjuohku	22
Tabealla 5: Hálddahušlaš virggiid, čorgen- ja doaibmabargiid sohkabealjuohku.....	22
Tabealla 6: Jođihangotti sohkabealjuohku, jahkedoaimmaid mielde.....	22

Mildosat

Miellddus 1: 2020 jahkeplána.....	25
Miellddus 2: 2020 bušeahtta.....	36
Miellddus 3: Jođiheddjiid kommentárat jahkerehketdollui.....	37
Miellddus 4: 2019 jahkerehketdoallu.....	40

I. Stivrra doaibmadiedáhus

Álggaheapmi

Stivrras ledje gávccii čeahkkima 2019:s, njeallje dain ledje erenoamáš čeahkkimat telefonna bokte. Giedahallojuvvojedje 39 mearrádusášši (51 oktan gohččuma dohkkehemiin ja diehtujuohkin- ja referáhtaáššiiguin). Stivra oaivvilda ahte Sámi allaskuvla – Samisk høgskole (dás duohko dušše Sámi allaskuvla) eanas muddui lea čuvvon daid vuoruhemiid mat nannejuvvojedje 2018–2019 jahkeraporttas.

Movt stivra oppalaččat árvvoštallá 2019 loahpalaš bohtosiid, resursageavaheami ja ulbmilolaheami

Sámi allaskuvla ii joksán 2019:s mihtu háhkat 200 studeantta vaikko ohcciidlohku buorránii ge. Dása leat mánnga siva. Earret eará mearriduvvui ahte 2019 čavčča ii galgga šat álggahuvvot sámegiel álgokursa báikkálaš giellaguovddážiid bokte, kvalitehtagáibádusaid geažil mat leat láhkaásahusa bokte nannejuvvon. Dasa lassan šattai allaskuvla hilgut mánnga ohcci vuodđoskuvlaoahpaheaddjeohppui našuvnnalaš sisaváldingáibádusaid geažil. Dát čájeha ahte allaskuvla lea erenoamáš hearki iežas rekrutterenvuođu ektui, ja allaskuvla lea earret eará álggahan doaibmajuid mat sihkkarasttá ahte vejolaš ohccit nagodit deavdit árvosátnegáibádusa matematihkas.

Stivra vuorjašuvvá go oaidná ahte allaskuvllas leat njedjan registrerejuvvon publiserenčuoggát. Gaskaboddosaš logut Cristin nammasaš registrerenbásas geažuhit ahte gaskamearálaš publiserenčuoggát guđege dieđalaš virggehasa nammii bohtet arvat vuollelii mihttomeari (0,3 vs 0,8). Dát vuolgá muhtin muddui das go allaskuvla lea lihkostuvvan oažžut ruhtadeami mánnga stuorát dutkanprošektii Norgga dutkanrádis mañemus jagiid, ja ahte publiseren dasto boahtá lassánit čuovvovaš jagiid. Allaskuvla ferte goitge čalmmustahttit dán mávssolaš ja kritihkalaš oassin allaskuvlla doaimmas ja iešvuođas.

Allaskuvllas lea nanu fágabiras okta dain deháleamos vuoruhemiin. Vaikko Sámi allaskuvla lea njunnošis mánnga suorggis sámi ja álgoálbmotfáttáid oktavuodas, de leat goitge fágabirrasat smávvat ja hearkkit. Dasa lassan lahkonit mánnga váldoolbmio ealáhatagi. Oahpahuš- ja dutkanvirggiid jahkedoaimmaid lohku lassánii goitge netto 2019:s 36,2 jahkedoaimmas 2018:s 36,7 jahkedoibmii, seammás go rekrutterenvirggit lassanedje 10,7 jahkedoaimmas 12,2 jahkedoibmii. Mánnga oahpahuš- ja dutkanvirggi leat goitge guorosin, mii govvida hástalusa rekrutteret fagaolbmuid geat devdet sektora gelbbolašvuođagáibádusaid.

Stivra várrii 2019:s ruđaid prošektii olgguldas vehkiin guovtti jagi badjel man ulbmil lea hábmet organisašuvdnakultuvrra gos jođihangoddi ja mielbargit váldet eambbo oktasaš ovddasvástádusa fuolahit ahte organisašuvdna geassá doaimma ovttá guvlui. Dát bargu álggahuvvui 2019:s ja lea boahtán bures johtui. Stivrras lea jáhkku ahte dát nannešii allaskuvlla organisašuvdnan.

Stivra lea duhtavaš go allaskuvla 2019:s lea bargan garrasit nannet hálldahuslaš rutiinnain sihkkarastin dihte ahte universitehta- ja allaskuvlasektora gáibádusat čuvvojuvvojit. Allaskuvla lea 2019:s earret eará joatkán ovdánahttit konkrehta ovttasbarggu UIT Norgga

áarktalaš universitehtain IKT ja hálldahuslaš doaimmaid hárrái. Stivra árvvoštallá ahte ovttasbargu boahtá mielddisbuktit bastevas struktuvrraid ja bargujuoguid. Áiggi vuollái mearkkaša dát ahte Sámi allaskuvla sáhttá beaktileappot deavdit iežas servodatdoaimma sápmelaččaid ja álgoálbmogiid alitoahpu ja dutkama olis.

2020 deháleamos vuoruheamit

Sámi allaskuvla váldá vuoddu 2017–2021 strategiiaplánas. Čujuhuvvo muđui ovdánahttinšiehtadussii mii lea dahkkojuvvon Máhttodepartemeanttain ja jahkeplánii mii mearriduvvui juovlamánus 2019 (mielddusin jahkeraportii).

Sámi allaskuvla háliida leat njunuš oasseváldi sámi servodaga gelbbolašvuodadárbbuid gokčamis. 2020:s galgá sámi buohccidivššároahpu ásaheapmi ovttas UiT:in deattuhuvvot erenoamážit. Ovttasbargu manná bures ja goappašat ásaheapsat dovdet goabbatbeallásaš ávkki, maiddái eará surggiin go sámi buohccidivššároahpu olis. Bargu buohccidivššároahpuin čuovvu áigeplána, mas álggaheapmi lea plánejuvvon ođđajagemánnui 2021.

Studeantarekrutteren galgá ain garrasit vuoruhuvvot ja ulbmil lea olahit unnimustá 200 studeantta ja lassi kandidáhttabuvttadeami mii čuovvu ovdánahttinšiehtadusa ulbmiliid. Stivra mearridii juovlamánus 2019 ođđa gulahallanstrategiija. Dát lea eambo heivehuvvon nuoraide, ja erenoamážit nuorra dievdoolbmuide. Rekrutteren oahpaheaddjeohppui deattuhuvvo erenoamážit.

Stivra oaidná dárbbu nannet dutkandoaimma allaskuvllas. Rektoráhta lea bidjan johtui sierra FoU-strategiija, ja dát bargu galgá álggahuvvot 2020:s. Maiddái dutkangaskkusteamii, riikkaidgaskasaš dutkanovttasbarggu ja dutkanásahusa hálldahuslaš doarjjaapparáhta nannen galgá deattuhuvvot. Publiseren sámegillii galgá ain vuoruhuvvot garrasit.

Stivra oaivvilda ahte allaskuvla ferte ain garrasit vuoruhit dieddalaš bargiid gealbovdánahttima ja rekrutterema. Bargiid rekrutterema čuovvovaš jagiid ferte almmotge árvvoštallat dárkilit oahppovalljodaga hárrái ja movt sáhttá hukset nanu fágabirrasiid dáid olis. Allaskuvla galgá maiddái joatkit bargat unnidit gaskaboddosaš bargiid logu, muhto stivra lea duhtavaš dainna go fásta oahpahus- ja dutkanvirggiid lohku lea dásedit lassánan manjemus jagiid.

Stivra oaivvilda ahte Sámi allaskuvla ferte joatkit barggu nannet allaskuvlla kvalitehtavuogádaga, resursaplánema ja oppalaš čađahannávcca.

Allaskuvla áigu maiddái vuoruhit sierra gelbbolašvuodaguovddáža ásaheami oahpaheaddjeoahpuid várás. Dát galgá dustet dárbbuid ja gažaldagaid mat čuožžilit našuvnnalaččat Norggas mánáidgárde- ja vuodđoskuvlaoahpaheaddjeoahpuid sisdoalu oktavuodas. Sámi allaskuvla lea čađahan ovdaprošeavtta ja lea ožžon fágalaš cealkámušaid earret eará UiT:s ja Nord universitehtas. Ovdaprošeakta lea identifiseren dárbbuid ja geahčadan vejolaš čovdosiid. Danne áigu Sámi allaskuvla 2020:s ohcat ruhtadeami dákkár gelbbolašvuodaguovddáža ásaheapmái.

Movt stivra oppalaččat árvvoštallá áhahusa vejolašvuodaid ja hástalusaid ovddasguvlui

2017–2022 strategiiaplána višuvdna lea ahte Sámi allaskuvla galgá šaddat sámi ja álgoálbmotuniversitehtan. Dát eaktuda ahte allaskuvla bargá systemáhtalaččat nannet dieđalaš bargiid gelbbolašvuoda ja nannet akademalaš profiilla.

Seammás ferte Sámi allaskuvla čađat bargat dainna ahte lea relevánta rekrutteret ođđa studeanttaid ja ahte lea legitimizehta servodagas. Guovddáš strategalaš mihttu dan oktavuodas lea ge ahte Sámi allaskuvlla fáladagat galget leat olámuttos eanebuidda sámi servodagas. Danne šaddá erenoamáš dehálaš dustet hástalusaid dan hárrái ahte sápmelaččat orrot viiddis guovlluin mat rasttildit mánjga stáhtalaš ráji ja ahte gávdnojit mánja iešguđetge sámegiela.

Sámi servodat lea rievdamme, sihke demográfalaččat ja ealáhusaid hárrái. Sámegiella ja sámi kultuvra lea rašši mánjga guovllus ja ferte nannejuvvot. Seammás lea ođđa teknologii ja ođđa ealáhusat sihke áittan ja vejolašvuhtan. Sámi allaskuvllas lea erenoamáš sajádat dan dáfus ja das lea ovddasvástádus ovdánahttit ja gaskkustit máhtu sámi gielaide, árbevieruid, kultuvrraid ja servodagaid hárrái nu ahte dát leat sihke ávkin sámi servodahkii ja ahte váldojuvvojit vuhtii ođđa konteavsttain.

Sámi allaskuvla áigu ain vuoruhit riikkaidgaskasaš barggu Davviriikkain, EU:s ja riikkaidgaskasaččat. Erenoamážit áigu vuoruhit ovtasbarggu eará sámi áhahusaiguin ja álgoálbmotásahusaiguin. Stivra oaivvilda ahte dát lea dehálaš indikáhtor dasa ahte Sámi allaskuvlla dutkamušat ja oahput dollet alla dási mat leat relevanttat áhahusa ulbmila ektui.

Sámi allaskuvla - Samisk høgskole 11.03.2020

Laila Susanne Vars
Rektor ja stivrajođiheaddji

Ylva Jannok Nutti
Prorektor ja stivrra
nubbinjođiheaddji

Mette Anti Gaup
Stivralahttu

Idar Peder Kintel
Stivralahttu

Ellen Inga O. Hætta
Stivralahttu

Petter Drefvelin
Stivralahttu

Lemet Ivar Hætta
Stivralahttu

Lovisa Mienna Sjöberg
Stivralahttu

Berit Ellen Juuso
Stivralahttu

Elle Helene Siri
Stivralahttu

Stigo Holm
Stivralahttu

II. Láidesteapmi ásaheavvii ja čuovddaloguide

Sámi allaskuvla ásaheavvui 1989:s dainna ulbmiliin ahte gokčat sámi servodaga oahpahusdárbbu. Sámi allaskuvla lea rádjerahttildeaddji oahpahus- ja dutkanásaheavvii mii rekruttere studeanttaid ja bargiid miehtá Sámi.


Allaskuvla bargá dan ovdii ahte nannet miehtásámi perspektiivva buriid ja geabbilis oahppofálaldagaid ja buori dutkanbarggu bokte našuvnnalaččat ja riikkaidgaskasaččat. Sámegeaheavvii, oahpaheavvii ja ovdánahttin leat guovddášis.

Sámi allaskuvlla oahppočuovkkaáldagas 2019:s ledje

- sámegeaheavvii ja sámi girjjálašvuoda oahput iešguđetge dásiin
- duodje- ja designoahput iešguđetge dásiin
- sámi oahpaheavvii oahput iešguđetge dásiin
- boazodoalu oahput
- journalistihkkaoahput iešguđetge dásiin
- servodatdieđalaš fáttat

Sámi allaskuvlla oahpahus ja dutkan lei 2019:s organiserejuvvon guovtti goahtái: Geaheavvii, duodje, boazodoalu ja servodatdiehtagiid goahtái, ja sámi oahpaheavvii oahpuid ja álgoálbmotjournalistihka goahtái. Dasa lassii lea Sámi lohkuoavddáš Sámi allaskuvlla vuollásaš fágaláš ovtadat.

Govus 1 Organisašuvdnakárta



Tabealla 1: Sámi allaskuvla váldologut

	2019	2018
Galle jahkedoaimma	114	105
Galle registrerejuvvon studeantta	173 (čakčat)	270 (čakčat)
Oppalaš sisaboadut	125,1 mill. kr.	111,1 mill. kr.
Oppalaš juolludeapmi Máhttodepartemeanttas ja eará departemeanttain	101,3 mill. kr.	94,4 mill. kr.

III. Dán jagi aktivitehtat ja bohtosat

Čuovvovaš siidduin govviduvvo Sámi allaskuvlla oppalaš boađus našuvnnalaš stivrenparamehteriid hárrái. Guđege ovttaskas stivrenparamehtera ulbmilolaheapmi lea dárkileappot árvvoštallojuvvon dan guoskevaš doaibmamihtu vuolde.

Tabealla 2: Našuvnnalaš stivrenparamehteriid boadus

	Boadus 2018	Boadus 2019	Mihttu 2019	Mihttu 2020
Sektormihttu 1 Alla kvalitehta oahpahusas ja dutkamis				
Galle studeantta bacheloroahpus čadahit normerejuvvon áiggis	78,57	-	60	60
Galle studeantta masteroahpus čadahit normerejuvvon áiggis	0	-	50	50
Galle ph.d.-kandidáhta čadahit guda jagi sisa	-	-	-	-
Studeantaid oaidnu oahppokvalitehta hárrái	4,57	3,3	4,2	4,5
Ollesáiggestudeantaid fágalaš áigegeavaheapmi (diimmut) vahkkus	31,21	22,43	35	35
Galle publikašuvdnačuoggá guđege fágalaš jahkedoaimma nammii	0,45	0,3 ¹	0,8	0,6
Horisont 2020-šiehtadusaid árvu guđege FoU-jahkedoaimma nammii	-	-	-	-
Galle studeantta vulget Erasmus+ lonohallamii oppalaš studeantalogus	0	0,58	1	1
Sektormihttu 2 Dutkan ja oahpahus buresbirgema, árvoháhkama ja nuppástuhtima dihte				
Galle mastergrádakandidáhta leat virgáduvvon relevánta bargui jahkebeali maŋnel go gerget oahpuin	-	-	-	-
Doarjjadietnasat Dutkanrádis guđege fágalaš jahkedoaimma nammii	82,58	133,16	150	150
Eará doarjja- ja bargodietnasat guđege fágalaš jahkedoaimma nammii	258,74	352,48	180	180
Dutkanánbirušan matematihkalaš, luondudiedalaš ja ja teknologalaš fágain (MLT-fágat)	-	-	5	5
Sektormihttu 3 Buorre oahppoháhkkanvejolašvuohta				
Sámi vuodđoskuvlaoahpaheaddje-oahppu 1.-7. ceahkki	2	3	2	2
Sámi vuodđoskuvlaoahpaheaddje-oahppu 5.-10. ceahkki	3	4	2	2
Sámi mánáidgárdeoahpaheaddjeoahppu	5	7	2	2
Sektormihttu 4 Beaktilis, mánggabealat ja nanu alit oahpahussuorgi ja dutkanvuogádat				
Galle oahppočuoggá guđege fágalaš jahkedoaimma nammii	160	160,31	200	200
Galle nissonolbmoseanta- ja professorvirggiin	19,23	27,78	40	40
Galle gaskaboddosaš bargi oahpahus- ja dutkanvirggiin	23,2 ²	18,4 ³	20	15

¹ Gaskaboddosaš logut.² Divustuvvon guvttiin jahkedoaimmain mat leat virgáduvvon fásta, muhto mat devdet gaskaboddosaš dárbbuid eará sajis organisašuvnnas ja leat raporterejuvvon gaskaboddosaš virgin DBH:s.³ Divustuvvon 1,6 jahkedoaimmain mat leat boastut raporterejuvvon DBH:s gaskaboddosaš virgin.

Sektormihttu 1 Alla kvalitehta oahpahusas ja dutkamis

Doaibmamihttu 1: Sámi allaskuvla galgá fállat relevánta dutkanvuđot oahpu mas lea alla kvalitehta mii rekruttere studeanttaid ja movttiidahtta sin čadahit

Allaskuvllas ledje 175 registrerejuvvon studeantta 2019:s. Lohku lea njiedjan ovddit jagiid ektui ja lea vuolábealde mihtu mii lea 200 studeantta. Dása leat mánnga siva. Earret eará mearriduvvui ahte 2019 čavčča ii galgga šat álggahuvvot sámegiel álgokursa báikkálaš giellaguovddážiid bokte, kvalitehtagáibádusaid geažil mat leat láhkaásahusa bokte nannejuvvon.

Maŋemus jagiid leat allaskuvllas leamaš hui alla studeanttalogut, go ledje 270 registrerejuvvon studeantta sihke 2017:s ja 2018:s. Go buohtastahtta joatkkaskuvllaohppiid loguid geain lea sámegiella vuosttaš- dahje nubbingiellan (birrasiid 200), de ledje dát hui alla logut. Ii leat báljo vejolaš lasihit oppalaš studeantalogu dađi badjelii almma njeaiddikeahtta allaskuvlla alla sámegielladási.

Rekrutteren ja ohcciidlogut

Allaskuvla lea 2019:s bargan nannet rekrutterendoaimma, erenoamážit joatkkaskuvllaohppiid hárrái. Lea bargojuvvon loktet allaskuvlla oahppofálaldaga eambbo oidnosii vejolaš ohcciide. Dát lea earret eará dahkkojuvvon videokampánjjaid bokte gos dálá ja geargan studeanttat muitalit oahpuid birra. Allaskuvla lea geavahan sosiála mediaid eambbo dihtomiellalaččat ja erenoamážit nuoraid guovdu. Ohcciidlohku ja ohcciid ahkeprofiila čájeha ahte allaskuvla lea lihkostuvvan bures, erenoamážit go nuorra ohccit ohcet allaskuvlii eambbo go ovdal.

Allaskuvla rahčá goitge dainna ahte leat unnán studeanttat geat bohtet skuvlii ohcciidlogu ektui. Dása leat mánnga siva, ovdamearkka dihte lea allaskuvllas stuora buoridanmunni mii guoská praktihkalaš diehtujuohkimii vejolaš studeanttaide. Erenoamážit álginbeaivvi ja čoagganemiid dáhtonat almmuhuvvojit maŋjit ja miellddisbuktet geavatlaš hehttehusaid vejolaš studeanttaide. Allaskuvla áigu bargat buoridit dán. Earret eará leat ásahuvvon ođđa digitála plánenreaiddut maiguin sáhtta buorebut koordineret iešguđetge doaimmaid mat leat mearrideaddji mávssolaččat rekrutteremii ja sisaváldimii.

Erenoamážit leat hástalusat vuodđoskuvlaoahpaheaddjeoahpuid dáfus, masa ledje olu ohccit 2019:s, muhto unnánat álge. Danne ii olahuvvon mihttu ahte galget leat unnimusat gávccii ođđa studeantta dain oahpuid. Namuhuvvon čilgehusaid lassin fertii allaskuvla hilgut mánnga ohcci našuvnnalaš sisaváldingáibádusaid geažil. Danne lea allaskuvla álggahan doaibmabijuid vai vejolaš ohccit nagodivčče árvosátnegáibádusa matematihkas.

Oahpuid čadaheapmi

Mihttomearri lea leamaš ahte 60 % bachelorkandidáhtain ja 50% mastergrádakandidáhtain čadahit normerejuvvon áiggis. Allaskuvllas ii lean sisaváldin bacheloroahpuide 2016 čavčča ja danne eai leat das makkárge logut 2019:s. 2017 čavčča lei dasa lassin vuosttaš sisaváldin viđa jagi sámi vuodđoskuvlaoahpaheaddjeoahpuide.

Čadaheapmi normerejuvvon áiggis lea dakkár hástalus mainna allaskuvla lea bargan olu. Lea earret eará álggahuvvon olgguldas evalueren boazodoallooahpuid bachelorprográmma dáfus, ja duoji bachelorprográmma lea maŋiduvvon dan geažil go lea dárbu ođasmahttit prográmma.

Muhtin masteroahpuid dáfus lea allaskuvla ráhkadan šiehtadusaid ja bagadallannjuolggadusaid. Lea earret eará mearriduvvon ahte sámi giela ja girjjálašvuoda masterprográmma ii álggahuvvo nu go plánejuvvon 2020 čavčča. Fágabiras lea oaidnán dárbbu guorahallat movt sáhtášii rekrutteret eambo studeanttaid ja movt galggašii oažžut studeanttaid čadahit. Dasa lassin árvvoštallojuvvo čadahit oahpu oasseáiggeoahppun.

Vaikko allaskuvllas leat hástalusat čadahemiin normerejuvvon áiggis, de lassinii kandidáhttabuvttadeapmi 2018 rájes 2019 rádjái. Allaskuvla lea duhtavaš go lea buvttadan 30 sámegielat bachelor- ja masterkandidáhta 2019:s ja nu lea olahan mihttomeari mii lei ovdánahttinšiehtadus. Dasa lassin lea allaskuvla maiddái buvttadan golbma engelasgielat masterkandidáhta sámi journalistihkas álgoálbmotperspektiivvas.

Masterdási kandidáhtat

Diedut das galle mastergrádkandidáhta leat leamaš virgáduvvon relevánta bargui jahkebeali manjel go leat geargan oahpuin, eai leat leamaš olámmuttos jahkeraportta barggadettiin. Allaskuvllas leat dattetge oalle unnán masterkandidáhtat geat leat geargan, ja nu lea ge oalle buorre diehtu das gos sii leat barggus. Eatnasat leat virgáduvvon relevánta bargguide dahje relevánta doavttirgrádstipendiáhtaide. Ruovttoluottadieđut bargoaddiin sámi guovlluin geažuhit ahte kandidáhtat geat loahpahit oahpuideaset leat hui bivnnuhat.

Oahppokvalitehta ja kvalitehtaovdánahttin

Allaskuvla lea bargan oažžut eanebuid vástidit *studiebarometet* nammasaš našuvnnalaš studeantaikkadeami. Vástadusproseanta lea veaháš lassánan, muhto leat ain unnán studeanttat geat vástidit iskkadeami. Dávjá leat studeantajoavkkut dasa lassin nu smávvát ahte bohtosiid ii sáhte almmuhit.

Ollesáiggestudeanttaid fágalaš áigegeavaheapmi (diimmut) guđege vahkku, ja boadus das movt studeanttat oidnet oahppokvalitehta, lea vuollelis go dat mii lei mihttun 2019:s ja mii lea gaskamearri stáhtalaš ásašusain. Maiddái čadahuvvon oahppočuoggáid lohku guđege studeantta nammii lea veaháš vuollelis go stáhtalaš allaskuvllaid gaskamearri. Dát sáhtta boahit masteroahpuid ollesáiggestudeanttaid vuollegis čadahandásis. Olu masterstudeanttat leat rávisolbmot geain lea bearaš ja bargu oahpuid lassin. Dát speadjalastojuvvo maiddái *studiebarometeret* bohtosiin, gos diibmolohku guđege vahkku mii geavahuvvo bálká bargui lea badjelis go dat mii lea gaskamearri dábálaš-/vuodđoskuvlaoahpaheaddjeoahpuin muđui Norggas. Vaikko *studiebarometeret* bohtosat čájehit dušše VOO 5-10 (GLU 5-10) bohtosiid, de lea dat goitge duohtavuohta maiddái eanas allaskuvlla masteroahpuid dáfus.

Allaskuvla lea bargan nannet geabbilis oahppodoaimbajuid ja mánggabealat oahpahusvugiid mat ovddidit alla oahppokvalitehta ja buori oahppobirrasa, ja mat veahkkin fuolahit ahte nu oallugat go vejolaš čadahivčče iežaset oahpuid. Bargu ásaht digitála eksámena lea bohtán bures johtui, earret eará dan bokte ahte lea ásašuvvon bargajoavku ja lea virgáibiddjon gaskaboddosaš koordináhtor. Dasa lassin bargá allaskuvla dainna ahte váldit atnui digitála diibmoplánenvuogádaga ja ođđa digitála oahpahusvuogádaga.

Oahppokvalitehta ja kvalitehtaovdánahttin lea leamaš vuoruhuvvon 2019:s. Ovdalis namuhuvvon doaimbajuid lassin leat earret eará kvalitehtasihkkarastinvuogádagat ođasmahttojuvvon, studeantaáittardeaddjiortnet lea sajis, lea čadahuvvon stuorát evalueren allaskuvlla bálvalusaid ja oahppobirrasa dáfus, ja oahppoprográmmajodiheapmi lea nannejuvvon. Allaskuvla lea garrasit ángiruššan buoridit resursaplánema ja ovttahttit oahppofálaldagaid.

Lonohallan ja internašunaliseren

Mihttu studeantalogu dáfus geat vulget Erasmus+ lonohallamii ii olahuvvon. Allaskuvlii bohtet muhtin studeanttat lonohallamii, muhto lea váddáseabbo oažžut studeanttaid vuolgit lonohallamii. Allaskuvla lea ožžon Erasmus-chartera ja 2019 giđa lea leamaš okta allaskuvlla studeanttain lonohallamis eará sajis, ja 2019 čavčča lea leamaš okta olggobeale studeanta allaskuvllas lonohallamis.

Sámi allaskuvla lea maŋemus jagiid dadistaga eambbo deattuhan oahpuid internašunaliserema, mas ulbmilin lea loktet oahpuid kvalitehta. 2019:s lea earret eará leamaš áigumuš nannet oahpuid internašunaliserenbarggu koordinerema. Dát lea earret eará dahkkon dan bokte ahte lea áсахuvvon fásta internašunaliserenkonsuleantavirgi ja ahte áсахusa lonohallanšiehtadusat leat kártejuvvon. Internašunaliseren prográmmadásis lea nannejuvvon dan bokte ahte lea áсахuvvon oahppoprográmmajođiheaddjirolla, ja prográmmaplánaid ođasmahttima bokte. Allaskuvla oaivvilda ahte dát boahtá lasihit sihke sisaboahtti ja olggosmanni lonohallanstuđanttaid logu.

Sámi buohccidivššároahpu

Sámi allaskuvla lea olu jagiid bargan áсахit sámi buohccidivššároahpu. Lea stuora dárbu sámegielat buohccidivššáriidda geain lea sámi kulturgelbbolašvuhta. Dát boahtá earret eará ovdan jearahallaniskadeamis man allaskuvla lea čađahan. Dát čájeha ahte buohccidivššároahpu lea dakkár oahppu maid sámi nuorat háliidit ahte allaskuvla galgá fállat ja ahte dat lea dakkár oahppu masa livčče ohcan allaskuvllas. Sámi allaskuvla lea erenoamáš duhtavaš dainna go ovttasbargu UiT Norgga árktaš universitehtain sámi buohccidivššároahpu dáfus lea mielddisbuktán ahte oahppu plánejuvvo álggahuvvot 2021 giđa.

Sektormihttu 2 Dutkan ja oahpahus buresbirgema, árvoháhkama ja nuppástuhttima dihte

Doaibmamihttu 2: Sámi allaskuvllas galgá leat nanu fágalaš profiila ja galgá leat njunuš dutkanásahus sámi servodagain ja álgoálbmotmáilmmis muđui

Allaskuvlla registreremat Cristinis čájehit ahte Sámi allaskuvlla publikašuvdnačuoggát eai leat lassánan 2018 rájes 2019 rádjái, muhto leat baicca veaháš njiedjan. Gaskaboddosaš logut (eai leat loahpalaččat dohkkehuvvon) leat birrasiid 15 publikašuvdnačuoggá ja 0,3 publikašuvdnačuoggá guđege fágabargi nammii 2019:s. 2019 gaskaboddosaš bohtosat leat olu vuollelis mihttomeari mii lea 0,8 publikašuvdnačuoggá guđege fágabargi nammii, nu go mearriduvvui 2019 jahkeplánas.

Dát sáhtá belohahkii boahtit das go allaskuvla lea lihkostuvvan oažžut ruhtadeami muhtin stuorát dutkanprošeavttaide Norgga dutkanráđi olis maŋemus jagiid, ja nu boahtá ge publiseren lassánit čuovvovaš jagiid.

Sámi allaskuvla lea olahan mihtu ahte čállit 15 proseantta diedalaš publikašuvnnain sámegillii. Diedalaš publikašuvnnat mat leat čállojuvvon sámegillii dahket 17 proseantta buot diedalaš publikašuvnnain 2019:s. Deattuhuvvo ahte dát leat vuos gaskaboddosaš logut.

Tabealla 3: Dieđalaš publikašuvdnalohku sámegillii, visot dieđalaš publikašuvnnaid ektui

Jahki	Galle dieđalaš poastta (NVI) sámegillii Cristinis	Galle dieđalaš poastta (NVI) oktiibuot Cristinis	Boađus galle dieđalaš publikašuvnna leat sámegillii buot dieđalaš publikašuvnnaid ektui	Mihttu galle dieđalaš publikašuvnna galget sámegillii buot dieđalaš publikašuvnnaid ektui
2019	4*	23*	17* proseantta	15 proseantta
2018	2	15	13 proseantta	17 proseantta
2017	-	28	0 proseantta	17 proseantta
2016	1	19	6 proseantta	-
2015	5	29	17 proseantta	-

*) gaskaboddosaš logut. 2019 loahpalaš logut bohtet njukčamánu 2020.

Allaskuvla lágidii ovttaš UiT:in čállinseminára 2019:s dainna ulbmiliin ahte lasihit publikašuvdnalohku sámegillii. Doaibmabiju lea Norgga dutkanráđdi ruhtadan. Allaskuvla bargá oažžut dutkama allaskuvllas šaddat eambbo guovddáš ja vuoruhuvvon oassin ášahusas. Earret eará lea ođđa siskkáldas hálldahuslaš vuogádat Norgga Ministtarráđi sámii dutkanprográmma várás ráhkaduvvon 2019:s, mii vuordá addit allaskuvlla dutkiide eambbo publikašuvdnavejolašvuodaid 2020 rájes.

Sámi allaskuvla lea 2019:s publiseren ovtta nummara ráiddus *Dieđut*, ja lea leamaš mielde ovtta *Sámi dieđalaš áigečála* nummaris ovtta UiT:in.

Allaskuvla lea čađahan mánggaid stuora lágidemiid gos erenoamážit davviriikkat leat oassálastán.

Dietnasat juolludemiin ja bargguin

Sámi allaskuvla ii leat lihkostuvvan olahit ulbmillogu Dutkanráđi dietnasiid dáfus mii lei biddjon 150 000 ruvdnui guđege fágalaš jahkedoaimma nammii. Allaskuvllas ledje 2019:s dietnasat Dutkanrádis 133 000 ruvnno ovddas guđege fágalaš jahkedoaimma nammii, ja atná dán buorren boađusin vaikko mihttu ii joksojuvvon ge. Allaskuvla lea daid allaskuvllaid searvvis mat bohtet bajimussii dán stivrenparamehtera dáfus ja boahat maiddá badjelebbui go mánga Norgga universitehtain.

Sámi allaskuvla lea 2019:s joksán eará doarjja- ja bargodietnasiid dienasmihtu. 2019:s lea leamaš stuora lassáneapmi ovddit jagiid ektui, 259 000 ruvnno rájes guđege fágalaš jahkedoaimma nammii 2018:s gitta 352 000 ruvnno rádjái guđege fágalaš jahkedoaimma nammii 2019:s. Dát lea buorre boađus ja olu badjelis go stáhtalaš sektora ja eará ášahusaid gaskamearri UH-sektoris.

2019:s lea allaskuvla maiddá lihkostuvvan oažžut ruhtadeami Ruota Vetenskapsrådet bokte. Prošeavttas lea 2,5 miljovna ruvdnosaš bušeahhtarámma njealji jagi badjel ja lea ovdamearkan dasa ahte Sámi allaskuvlla doaibma lea rádjeraštildeaddji Sámis.

Dutkan mii lea olámuttos

Okta suorgi mainna Sámi allaskuvla ii leat lihkostuvvan doarvái bures 2019:s lea buoridit beassama dutkanbohtosiidda ja eambbo dieđuid lágideat olámuđu. Dát lea guovddáš

dutkanpolitihkalaš mihttomearri Norggas man ovddas maiddá allaskuvla bargá, muhto mii ii leat joksojuvvon.

Dat mii publiserejuvvo áigečállagis *Sámi diedalaš áigečála* ovttasbarggus UiT:s lea rabas buohkaide, muhto dat mii almmuhuvvo áigečállagis *Diedut* ii leat rabas buohkaide. Allaskuvla vuoruha nannet dutkangaskkusteami 2020:s.

Konkrehta ovttasbargoprošeavttat dutkama oktavuodas

2019 jahkeplánas lea allaskuvla bidjan mihttun ásahtit konkrehta prošeavttaid dutkiiguin daid riikkaidgaskasaš álgoálbmotfierpmádagaid bokte main Sámi allaskuvlla dutkit leat aktiivvalaš oasseváldit. Allaskuvla lea lávken ovttá lávkki rievttis guvlui, go 2019:s lea ovdamearkka dihte leamaš ovttasbargu dutkanjoavkkuiguin Kanadas mat oassálastet UArctic Thematic Network Verddse, man boadus lea abstract mii lea sáddejuvvon iešguđetge konferánssaide.

Stipendiáhtat

Allaskuvlla sámi giela ja girjjálašvuoda PhD-prográmmas leat oalle olu studeanttat (8), muhto go ii oktage leat vuos nákkáhallas, de lea váttis dadjat sáhtta go 2022 giđa sisa duohtandahkat ovdánahttinšiehtadusa mihtu ahte galget leat “unnimusat vihtta buvttaduvvon doavttirgráda allaskuvlla iežas prográmma bokte”.

Sektormihttu 3 Buorre oahppoháhkkanvejolašvuota

Doaibmamihttu 3: Sámi allaskuvla galgá deavdit buot mihttologuid oahpaheaddjeoahpuid kandidáhttabuvttadeamis

Sámi oahpaheddiid oahpaheapmi lea guovddáš oassi Sámi allaskuvlla doaimmas. Allaskuvla olahii kandidáhttamihtu buot oahpaheaddjeoahpuid dáfus 2019:s. Vurdojuvvo ahte sámi vuodđoskuvlaoahpaheaddjeoahpu 5-10 ja sámi mánáidgárdeoahpaheaddjeoahpu kandidáhttamihtut olahuvvojit maiddá 2020:s Allaskuvla válddii 2015:s sisa studeanttaid bargosadjevuđot mánáidgárdeoahpaheaddjeohppui, gos čieža kandidáhta gerge 2019 giđa.

Vurdojuvvo goitge stuorát eahpesihkarvuota sámi vuodđoskuvlaoahpaheaddjeoahpuid jahkásaš kandidáhttaolaheami dáfus ovddasguvlui, go mángasis dain studeanttain geat leat váldojuvvon sisa manemus jagiid, ii leat oahpaheaddjeoahpu ovdalaččas.

Sektormihttu 4 Beaktilis, mánggabealat ja nanu alit oahpahussuorgi ja dutkanvuogádat

Doaibmamihttu 4: Sámi allaskuvla galgá hálldašit iežas oppalaš resurssaid nu ahte dorjot vuodđodoaimmaid miehtásámi vuolggasajis ja álgoálbmotperspektiivva

Sohkabealbalánsa

Nissonolbmuid mihttolohku professor- ja doseantavirggiin ii leat olahuvvon, vaikko lohku lea lassánan 19 % rájes gitta 28 % rádjái 2019:s. Sámi allaskuvllas leat unnán olbmot njunuš virggiin, ja dát sáhtta dagahit ahte smávva rievdadeamit váikkuhit proseantameroštallama dovdomassii.

Sámi allaskuvla lea maiddái bidjan mihttun sihkkarastit buoret sohka-bealbalánssa diedalaš bargiid gaskkas. Nissonolbmot leat ain stuora eanetlogus buot virgekategorijain, jus eat logahala professorvirggiid nu go čilgejuvvon ovdalis. Vuosttašvirgekategorijas (vuosttašamanueansa/-lektor/dutki) lea nissonolbmuid lohku lassánan lahka 80 %:ii, ja dievdoolbmuid lohku allaskuvlalektor- ja oahpaheadjekategorijain lassánii hui veaháš. Lea illudahtti go 2019:s lei okta dievdostipendiáhtta, go mánggaid jagiid leat leamaš dušše nissonolbmot rekrutterenvirggiin.

Gaskaboddosaš bargit

Sámi allaskuvla jovssai 2019:s mihtu unnidit gaskaboddosaš bargiid logu dutki- ja oahpahusvirggiin vuollelii 20 %⁴. Mánggas sis geat ovdal leat leamaš gaskaboddosaš virggiin, dan geažil go leat oassálastán olgguldasat ruhtaduvvon prošeavttain, leat jagi mielde ožžon fásta virggi. Sámi allaskuvla rievdadii 2018:s virgáibidjangeavada ja eaktuda dál ahte doarjja- ja bargoruhtaduvvon doaimmaid (BOA) dietnasat galget gokčat fásta virggiid. Sáhtta dattetge dagahit váikkuhusaid fásta bargoveaga dáfus jus BOA-dietnasat eai boade.

Oktiibuot lea gaskaboddosaš bargiid lohku 18 %⁵ allaskuvllas. Boađusin das go šaddet eambbo virgáibidjanproseassat, vurdojuvvo ahte lohku njiedjá ain eambbo 2020 mielde.

Organisašuvdnaovdánahttin ja bargobiras

Allaskuvla álggahii 2019:s prošeavtta mii galgá nannet organisašuvdnaovdánahttima ja bargobirrassa Sámi allaskuvlla árvvuid vuodul. Leat várrejuvvon ruđat guovtti jahkásaš prošeaktii mas lea olgguldas veahkki organisašuvdnapsykologas. 2019:s leat dollojuvvon mánnga čoagganeami sihke goahte-/ossodatdásis ja oppalaččat olles organisašuvnna várás. Dasa lassin galgá leat sierra jodiheaddjeovdánahttinbargu. Ruovttoluottadieđut dássáži leat leamaš hui positiivvalaččat, sihke jodiheaddjiin, mielbargiin ja luohtámušolbmui.

Hálddahaslaš bargguid álkidahttin ja digitaliseren

Sámi allaskuvla lea 2019:s vuoruhan nannet ja álkidahttit hálddahaslaš bargguid ovttasráđiid eará ásahusaiguin. Čujuhuvvo sierra raporteremii ruđaid dáfus mat leat mannan ovttasbarggu, bargokuogu, konsentrašuvnna ja oktiičaskima (SAKS) bargui. Allaskuvla lea maiddái bidjan johtui hálddahaslaš ovttasbarggu Sámedikkiin.

2019 jahkeplánas bijai allaskuvla mihttun digitaliseret visot siskkáldas hálddahaslaš skoviid. Báberskovit mat gáibidit fysalaš vuolláičálagiid, leat stuora áigesuollagat mat ráhkadit lassibarggu olles organisašuvdnii ja mielddisbuktet vára ahte šaddet boasttuvuođat. Dát lea garrasit vuoruhuvvon 2019:s ja mii leat bohtán bures johtui. Lea almmotge stuora buoridanmunni álkidahttit ja buoridit bargoproseassaid eambbo digitaliserema bokte.

⁴ Fuomášuhttit ahte loguin mat leat raporterejuvvon Alit oahpu statistihkkadiehtovuorkái (Database for statistikk om høgre utdanning - DBH) lea 1,6 raporterejuvvon gaskaboddosaš jahkedoaimmain boastut raporterejuvvon, badjelmeare. Go dáid mielde divusta, de lea gaskaboddosaš bargiid lohku 18,4 %, ja dat mii lea raporterejuvvon DBH:ii lea 23,4 %.

⁵ Divustuvvon boasttučállimiid dáfus og fásta bargiid dáfus siskkáldas sadjásašvirggiin

Ruovttukantuvrra geavada čavgen

Sámi allaskuvla lea maŋemus jagiid šaddan fállat stuorát geabbilisvuoda diedalaš bargiide bargosaji dáfus danne go Guovdageidnui sáhtta leat váttis geasuhit bargiid geain lea dárbbášlaš gelbbolašvuhta. Dát miellddisbuktá dattetge hástalusaid ealli fágabirrasa hárrái. Danne lea allaskuvla 2019:s čavgen geavada dan bokte ahte lea ásahan sierra ruovttukantuvrranjuolggadusaid mat earret eará eaktudit geat besset bargat ruovttus ja man olu. Dát juolggadusat galget doibmiibiddjot 2020 vuosttaš jahkebealis.

Gealboovdánahttin oahpahus- ja dutkivirggiin

2019 jahkeplánas lei maiddá mihttun doibmiibiddjat sierra karriearaprográmma ja meritterenvuogádaga oahpahusa dáfus. Dát ii leat čadahuvvon kapasitehtahástalusaid geažil hálddahusas. Allaskuvla bargá almmotge ásahtit ortnega post-doc-virggiid dáfus. Odne lea allaskuvllas okta bargi post-doc-virggis, ja allaskuvla árvvoštallá geavahit iežas strategalaš ruđain oázžut eanebuid dákkár gealbomannolagaide.

Oahppočuoggáid buvttadeapmi guđege fágalaš jahkedoaimma nammii

Oahppočuoggáid buvttadeami mihttu guđege fágalaš jahkedoaimma nammii Sámi allaskuvllas ii leat olahuvvon 2019:s. Oahppočuoggáid buvttadeapmi bissu seamma dásis go 2018:s, vaikko oahppočuoggáid lohku guđege studeantta nammii lea veaháš lassánan 2018 rájes. Dát čilgejuvvo dainna go maiddá fágalaš jahkedoaimmaid lohku lea lassánan veaháš. Ulbmilolaheapmi čatnasa studeantalohkui ja čadaheapmái. Jus galgá lasihit oahppočuoggáid guđege fágalaš jahkedoaimma nammii, de lea dehálaš čadahit doaibmabijuid mat leat namuhuvvon ovdalis, lasihan dihte studeantalogu ja čadahanproseantta.

Sámi Lohkanguovddáš – Sáme Låhkånguovdásj – Saemien Lohkemejarng – Nasjonalt senter for samisk i opplæringen

Sámi lohkanguovddáš lea našuvnnalaš gelbbolašvuodaguovddáš mii galgá bargat nannet sámegieloahpahusa kvalitehta, mánáidgárddi rájes alitoahpu rádjái. Guovddáš bargá dainna golmmain sámegielain mat leat definerejuvvon oahpahusgiellan Norggas; davvi-, julev- ja lullisámegiella. Guovddáš lea jagi mielde bagadallan ja rávven skuvllaid, mánáidgárddiid ja váhnemiid, doallan kurssaid ja semináraid ulbmiljoavkkuide, ja oassálastán iešguđetge ovddidanbargguin sámegieloahpahusa suorggis. 2019:s lea Sámi Lohkanguovddáš bargan bargosadjevuđot gelbbolašvuodalohtendoaibmabijuiguin buot dain giellaguovlluin maidda guovddázis lea ovddasvástádus, mánáidgárddi rájes joatkkaoahpahusa rádjái.

Guovddázis lea maid ovddasvástádus sámi našuvnnalaš geahččalemiide lohkamis, ja lea ráhkadan geahččalemiid sámegielaid dáfus, ja maiddá oahpaheaddjebagadusaid. Guovddáš lea oassálastán fagačoagganemiin našuvnnalaš geahččalemiid birra ovtas ásahusaiguin mat ráhkadit dárogielat geahččalemiid. Guovddáš lea maid doallan kurssaid skuvllaide našuvnnalaš geahččalemiid birra.

Sámi lohkanguovddázis ovtas|aktan|aktesne bokte lea ovddasvástádus doaimmahit ja ain ovdánahttit sámi oahpponeavvoportála ovtas.no. Lea čadat bargojuvvon ovdánahttit neahttaportála, juogadanarena ja buvttadanreaiddu. Ovtas.no lea veahkehan gaskkustit sámi oahpponeavvuid ja maiddá dieduid portála birra sihke našuvnnalaš ja riikkaidgaskasaš seminárain ja konferánssain. Ovtas lea maiddá veahkehan oahpahit sámi oahpaheaddje- ja mánáidgárdeoahpaheaddjestudeanttaid geavahit portála.

Sámi Lohkanguovddáš lea čadahan guokte retorihkkakurssa oahpaheddjiide davvisámi joatkkaoahpahas ja nuoraidskuvllas. Guovddáš lea ovttasbarggus Sámi erenoamášpedagogalaš doarjalusain (SEAD) Statpedas lágidan fágabeivviid skuvllaide, mánáidgárddiide ja PPB:ii lullisámi guovllus, mánggagielatvuoda- ja giellaovdánahtinfáttáin. Guovddáš lea maiddá oassálastán mánáidgárddiid fágabeivviin julev- ja davvisámi guovllus seamma fáttá birra. Ovttasrádiid Tromssa ja Finnmarkku Fylkkamánniin lea guovddáš lágidan guokte fágačoaagganeami davvisámi gáiddusoahpahusoahpaheddjiide, gos árvoštallan ja digitála oahpahus lea deattuhuvvon. Sámedikki SAMOS-prošeavtta oktavuodas lea guovddáš leamaš mielde lágideame seminára oktan dutkangaskkustemiin mánáidgárddiide ja skuvllaide. Ovttasbarggus NetSam:in – Sámi oahpahusfierpmádagain (Nettverk for samisk opplæring) lea guovddáš lágidan guokte fágačoaagganeami oahpaheddjiid várás. Oasseváldilogut ledje buorit buot dáin lágideamiin.

Guovddáš lea leamaš mielde ovddideame našuvnnalaš gelbbolašvuodaloštenstrategiijaid Sámi allaskuvllas, nu go Reálfágaáŋgiruššama, Mánáidgárddiid gelbbolašvuodaovdánahttima regionála ortnega ja Skuvllaid gelbbolašvuodaovdánahttima lávdaduvvon ortnega. Earret eará lea guovddáš ovttasrádiid UiT Norgga árktaš universitehtain lágidan bargoseminára matematihkas vuodđoskuvlaoahpaheddjiid ja mánáidgárdeoahpaheddjiid várás. 2019 mielde lea guovddáš maid almmuhan oahpponeavvuid ja doarjjaresurssaid sámegieloahpahussii. Girji “Tiltak til Tras” lea almmuhuvvon sámegillii (Gielladoaimmat Ágorii). Guovddáš lea almmuhan guokte minileksuvnna neahtas, ovttá giellalávgunmánáidgárddiid birra ja ovttá julevsámi guovllu bárgidanteknikka birra. Guovddáš lea maid almmuhan digitála oahpponeavvu lullisámi cealkkastruktuvrra birra.

Guovddáš lea leamaš veahkkinn čalmmustahttime ON eamiálbmotgielaid jagi ja sámi giellavahkku mángga doaimma bokte, earret eará giellakáseriijaid, speallaneahkediid ja girjjálašvuodaeahkediid bokte ja doarjjamateriála almmuheami bokte sámegieloahpahusa várás.

Čadahuvvon evalueremiid váldogávdnosat

Allaskuvla lea 2019 giđa čadahan stuorát studeantaikkadeami sámegillii ja engelasgillii (*studiebarometeret* lassin). Ovdal lea leamaš hástaleaddji oažžut studeantaid vástidit, nu ahte allaskuvla lea hui duhtavaš go vástidanproseanta lea lassánan.

Iskkadeami váldobohtosat čájehit ahte eanas studeanttat leat duhtavaččat oahpuin masa leat álgán ja ahte oahpahus doallá alla dási. Eatnasat oaivvildit ahte ožžot buori bagadallama ja ahte eksámen čadahuvvo oahppoplána mielde. Muhtimat geažuhit dattetge ahte lea buoridanmunni plánema ja diehtajuohkima dáfus. Allaskuvla čuovvula dán earret eará ođđa digitála diibmoplánenreaiddu ásaheamiin.

Sis geain lea leamaš neahttaoahpahus vástidit ahte dát lea doaibman bures, muhto ahte digitála oahpahusvuogádaga ii leat álki ipmirdit. Dát čuovvuluvvo dan bokte ahte sirdit ođđa oahpahusvuogádahkii man lea álkit geavahit.

Sii geat leat vástidan, leat eanas duhtavaččat oahppohálddahasain, ja hui duhtavaččat doarjjadoaimmaiguin nu go IKT:in, girjerádjosiin ja ovdakantuvrrain.

Allaskuvla váldá duodalaččat dan ahte 3 % sis geat vástidit oaivvildit ahte givssideapmi eastaduvvo hejot. Vaikko lohku iešalddis ii leat allat, de lea dát dakkár váttisvuohta man allaskuvla áigu vuoruhit, earret eará dan bokte ahte ráhkaduvvo sierra plána ja ahte diehtajuohkin diediheami birra buoriduvvo ja ásahuvvo studeantaáittardeaddjiortnet.

Studeantaiskkadeami bohtosat leat ovdanbuktojuvvon guoskevaš stivrraide ja lávegottiide, ja allaskuvlla bargiide, Sis-Finnmárkku Studeantaid ovtastussii, oahppoprográmmajodiheddjiide ja studeantastivrii. Ossodagain ja fágagođiin lea ovddasvástádus čuovvulit iskkadeami gávdnosiid čuovvulanplánaid bokte.

Nu go namuhuvvon, de lea allaskuvla mearridan olgguldas evaluerema ovttá bachelorprográmma dáfus 2019:s. Allaskuvla lea maid mañidan sisaváldima prográmmaoahpuide go galgá evalueret ja ođasmahttit áid.

Kvalitehtasihkkarastinvuogádaga ođasmahttima oktavuodas lea maiddái evalueremiid vuogádat ođasmahttojuvvon. Ovddasvástádus- ja bargujuohku, ja čuovvoleapmi, leat systematiserejuvvon.

SAKS-ovttasbargu SA ja UiT gaskka

UiT Norgga árktalaš universitehta (UiT) oaččui njukčamánu 2018 juolluduvvot 7 miljovna ruvnno Sámi allaskuvla (SA) ovttasbargui IKT oktavuodas ja bargiidsuorggi ja oahppohálddahusa oktavuodas.

IKT-suorggis lea mihttun nannet SA infrastruktuorra ja organisašuvnna gelbbolašvuoda ja ođđamállet neahttačovdosiid ávkkástallama bokte, ja dan bokte ahte sirdit báikkálaš serverdoaimma. 2019:s lei váldofokus ásaht buori ja nanu infrastruktuorra, ja 2020:s lea áigumuš sirdit bálvalusaid báikkálaš serverlanjas balvavuđot čovdosiidda gos maiddái diehtosihkarvuohta áimmahuššojuvvo. Muđui lea prošeakta earret eará dárkkistan ja nannet it-doaimma vuodđobálvalusaid SA:s mat galget dahkat eambbo integrerejuvvon ovttasbarggu vejolažžan ásahusaid gaskka boahpteáiggis, ja fuolahit nannoset infrastruktuorra. Oasseprošeakta árvvoštallojuvvo gárvvistuvvot 2020 mielde.

Bargiidsuorggis lea ovttasbargu rutiinnaid ja proseassaid hárrái ja vel gelbbolašvuodadoaimbajuid lonohallama ja ovdánahttima hárrái. UiT lea 2019:s erenoamážit veahkehan SA ovddidit rutiinnaid ja prosedyraid systemáhtalaš DBS-bargguid olis SA:s. Ovttasbargu čuovvu ovdánanplána ja lea dušše loahppabargu vel mii váilu.

Ii leat leamaš ovttasbargodoaimma dutkan- ja oahppohálddahusas earret UiT fáldadaga, mii fállá veahki dárbbu mielde.

Oppalaččat oaivvildit goappašat ásahusat ahte ovttasbargu dássáži lea lihkostuvvan bures. Leat čadahuvvon mánga doaimbajui SA:s mat gáibidit dárkilis gelbbolašvuoda ja maid SA livččii bártidan čadahit beaivválaš doaimma lassin. Dasa lassin lea ovttasbarggu geažil šaddan nanu oktavuodas ásahusaid gaskka. Dát dahká álkibun ovttasbargat maiddái eará surggiin go madda lea juolluduvvon SAKS-doarjja. SA lea earret eará luoikkahan ekonomijamielbargi UiT:s 2019:s, gii lea veahkin doibmiibidjat SA ođđa ekonomijamodealla ja dárkkistan rehketoallorutiinnaid. Dasa lassin lea 2019:s šihttojuvvon

ahte galgá leat oktasaš persovdnasuddjenáittardeaddji. Ásahusat leat maid soahpan oktasaš studeantaáittardeaddji, mii biddjojuvvo johtui árrat 2020 gida.

2020 gida áigot ásahusat vuoruhit gávnnahtit bistevaš struktuvrraid, integrašuvnna ja/dahje ovttasbargomodeallaid mat dahket SA hálldahusa nannoseabbon ja beaktileabbon. Galgá earret eará dollojuvvot bargočeahkkinn direktevradásis cuoŋománus gos viidáset plánat mearriduvvojit.

[Bohtosat ja ulbmilolaheapmi ruđaid dáfus mat leat juolluduvvon kap. 281 poasta 01 ja poasta 454 olis](#)

Máhtodepartemeanta lea 2017:s, 2018:s ja 2019:s juolludan ruđaid ovdánahttit ja doaimmahit guimmešvuoda vuodđoskuvlaoahpaheaddjeoahpus man ulbmil lea nannet hárjehallanoahpahusa ja FoU-ovttasbarggu oahpaheaddjeoahpposkuvllaid bokte. Ruđat eaktuduvvojit geavahuvvot nu go mearriduvvon juolludusreivves b. geassemánu 26. b. 2017.

Sámi allaskuvla bargá ásahit guimmešskuvllaid miehtá Sámi, ja leat dahkkojuvvon ovttasbargošiehtadusat hárjehallanskuvllaiguin sámi guovlluin ja eará skuvllaiguin gos lea sámegiel oahpahus Norggas, Ruotas ja Suomas. Allaskuvla lea ásahan virggi mas lea ovddasvástádus koordineret hárjehallama. Virgi lei goitge olbmogaga ovtta áigodaga 2019:s, mii dagahii unnit aktivitehta go lei plánejuvvon. Bargu ovdánahttit guimmešvuoda lea maid gáibideaddji danne go lea dárbu ahte allaskuvla jođiha doaimmaid. Livččii leamaš sávvahatti ahte skuvllat ja skuvlaeaiggádat livčče ieža áŋgiruššan eambbo, muhto orro leame nu ahte ovttasbargu gáibida olu áiggi ja danne ádjána oazžut skuvllaid/skuvlaeaiggádiid oaidnit ávkki ovttasbargus hárjehallanskuvllaid ja guimmešskuvllaid hárrái.

Sámi allaskuvla vásiha dájvja ahte hárjehallanskuvllain váilu čuovvleapmi sin ovddasvástádusa hárrái, sihke hárjehallanoahpaheddjiid, gelbbolašvuoda ja organiserema dáfus. Lea áddjás bargu hukset gelbbolašvuoda ja ásahit stabiila organisašuvnna mii sáhtta guhkit áiggi doaimmat. Allaskuvla vuordá ahte 2020 mielde beassat dadjat ahte dát lea áibbas sajis.

Sámi allaskuvla áigu hoahpuhit barggu ovtta áigodaga 2020:s lokten dihte aktivitehtaid ja ovttasbarggu ja nannen dihte dán doibmiidjama vuodđoskuvlaoahpaheaddjeoahpus. Dán barggus galgá skuvllaid/skuvlaeaiggádiid movttiidahttin ovttasbargui ja dárbbuid kárten erenoamážit deattuhuvvot.

IV. Stivren ja bearráigeahčču ásahusas

Ásahus bargá aktiivvalaččat nannet siskkáldas bearráigeahču ja riskastivrema. Systemáhtalaš riskaárvoštallamat, spiehkastagaid gidden ja gelbbolašvuodálokten leat dehálaš oasit barggus.

Siskkáldas bearráigeahčču ja riskastivren leat definerejuvvon oassin jođiheddjiid linjáovddasvástádusas. Mihttu lea ahte siskkáldas bearráigeahčču galgá leat oassin beaivválaš doaimmas buot ossodagain.

Árvvoštallojuvvo ahte Sámi allaskuvllas lea dohkálaš vuogádat stivrema ja bearráigeahču dáfus, muhto ahte das lea ain buoridanmunni.

Mihtto- ja boadusgáibádusaid čuovvoleapmi

Allaskuvlastivra mearrida juovlamánus jahkeplána ja dan movt juolludeamit ja eará dietnasat galget disponerejuvvot. Bušeahttaovttadagat ožžot dalle bušeahttarámmaid ja virgevuoduid maid siskkelbelde galget bissut. Dasa lassin lea fágagođiin ja Sámi lohanguovddázis ovddasvástádus olggobealde ruhtaduvvon aktivitehtaid dáfus mat fágalaččat bohtet sin ovttadagaid vuollái.

Bušeahttaovttadagat raporterejit dásedit čadaheami, olahuvvon bohtosiid ja ekonomijja birra. Raporteren čuovvuvuvvo hálldahuslaš jodiheaddječoahkkimiin ja stivračoahkkimiin. Bušeahttaovttadagat galget addit guovttemánnoš raporttaid allaskuvladirektevrii gos bušeahttastáhtus, bargoveahkadilli ja prošeaktačuovvoleapmi deattuhuvvo erenoamážit. Dán lea dattetge leamaš váttis čadahit 2019:s danne go jodiheaddjejoavkkus leat leamaš lotnahuvvamat. 2019:s lea goige erenoamážit deattuhuvvon deavdit guoros virggiid, go dás lea mearrideaddji mearkkašupmi sihke fágalaš čadahepmái ja ekonomijjastivremii. 2020:s šaddá dehálaš čuovvulit várrejuvvon ruđaid geavaheami dárkileappot, sihkkarastin dihte ahte doaimmat álggahuvvojit nu go juolludusat eaktudit.

Sámi allaskuvla lea 2019:s ožžon veahki UiT:s nannet rehketdoalloproseassaid ja oppalaš ekonomijjastivrema. Dát lea dahkan ahte siskkálldas ekonomijjagelbbolašvuohta lea loktejuvvon, seammás go leat doibmiibidjan ođđa ekonomijjamodealla buori vuogi mielde. Vášáhusat dásáži čájejit ahte allaskuvla dál dábuha dárkilet stivrendieđuid ja buoret čuovvuleami bušeahttaovddasvástideddjiin.

Eará mihtto- ja boadusgáibádusaid čuovvuvuvvojit jodiheaddje- ja stivračoahkkimiin. Allaskuvla áigu buoridit plánenbarggu ja proseassačadaheami. Guovddáš oassi dás lea ásahit oktasaš digitála plánenreaidduid vai buorebut sáhtta integreret proseassaid main leat guovttebealat váikkuhusat. Ná šaddá maiddái álkít jodiheaddjiide čuovvulit ja fuolahit ahte doaimmat čadahuvvojit rievttis áigái ja dohkálaš kvalitehtain.

Beaktilis resursageavaheapmi

Sámi allaskuvla bargá čadat ávkástallat resurssaiguin buoremus lági mielde. Muhto beavttálmahttinuoittut mat bohten albmossii ovttasbarggu, digitaliserema, álkidahttima ja automatiserema hámis galget vuosttažettiin dahkat allaskuvlla nannoseabbon. Allaskuvla lea guhkit áiggi rahčan hearkkes hálldahuslaš doaimmaiguin, mii earret eará lea cuiggoduvvon St.died. 18:s (2014-2015) *Konsentrasjon for Kvalitet*. Moalkáivuoda geažil mii dađistaga stuorru earret eará lágaid ja ođđa teknologijja bokte, lea Sámi allaskuvlii dehálaš vuoruhit beaktilis resursageavaheami hui bajás vai sáhtta ollašuttit servodatdoaimma buori vuogi mielde.

Sámi allaskuvla lea bargame váldit atnui digitála bargoproseassaid beavttálmahttin dihte hálldahuslaš bargonoadi olles organisašuvnnas. Bargojuvvo erenoamážit digitaliseret proseassaid main leat leamaš dahje main ain leat báberskovit mat galget fysalaččat

vuolláičállojuvvot. Kapasitehtahástalusat hálldahusas dagahit dattetge ahte dát proseassat ádjánit veaháš guhkit go leimmet vuordán.

Lágaid ja njuolggadusaid čuovvun

Sámi allaskuvla goziha áigges áigái ahte ásašus doaimmahuvvo gustovaš lágaid ja njuolggadusaid mielde.

Bargobearráigeahčču gávnnai golggothmánu 2018:s váilevašvuodaid systemáhtalaš DBS-barggus go lei bearráigeahčus. Visot spiehkasteamit giddejuvvojedje áigemeari sisa njukčamánu 1. b. 2019. Allaskuvla lei juo bures boahtán johtui nannet systemáhtalaš DBS-barggu oassin SAKS-ovttasbarggus UiT:in go bearráigeahčču čađahuvvui. Dát dagai spiehkasteamiid giddema mihá unnit gáibideaddjin go livččii leamaš jus bearráigeahčču livččii čađahuvvon árabut.

Allaskuvla lea maidđái 2019:s bargan loktet hálldahuslaš gelbbolašvuoda, ja ovdánahttit ja buoridit rutiinnaid ja prosedyraid. 2019:s lea leamaš erenoamáš fokus persovdnasuodjaleapmái, virgáibidjanprosedyraide ja rehketdoalloproseassaide. Ovttasbargu UiT:in lea guovddážis dán barggus, muhto allaskuvla lea 2019:s maidđái bargagoahtán oažžut áigái lagat hálldahuslaš ovttasbarggu Sámedikkiin. Earret eará doalai Sámedikki arkiivaovttadat 2019 čavčča kurssa Sámi allaskuvlla áššemeannudeddjiide gos arkiivaláhka ja almmolašvuodalahka deattuhuvvojedje. Ásašusat leat maidđái bargame ásašit oktasaš bargiidforuma. Dát nannešii goappašat ásašusaid gelbbolašvuoda ja livččii arenan gos beassá digaštallat daid erenoamáš čuolmmaid mat sáhttet badjánit smávva sámi báikkálašservodagain.

Áigeguovdilis ja luohtehahti boadus- ja rehketdoallodiehtujuohkin

Sámi allaskuvla árvvoštallá allaskuvlla boadus- ja rehketdoallodiehtujuohkima áigeguovdilin ja luohtehahttin.

Sámi allaskuvla lea 2019:s deavdán daid virggiid ekonomijaossodagas gos ovdal eai leat leamaš olbmot ja nu lea kapasitehta buorránan. Seammás lea siskkáldas gelbbolašvuodta nannejuvvon ja ekonomijaossodat adnojuvvo dál mihá nannoseabbon. Buoret kapasitehta lea maidđái mielddisbuktán ahte olgguldas proševttat ja oppalaš rehketdoalločuovvoleapmi lea buorebut čuovvuluvvon. Sámi allaskuvla oaččui buori veahki UiT:s 2019 vuosttaš jahkebealis, ja ovttasbargu UiT:in lea ain buorre.

Oahpahallit

Sámi allaskuvllas lea leamaš okta oahpahalli 2019:s, ovttá bargi lassin gii gárvvistii fágageahččaleami 2020 álggus, goappašagat IKT- suorggis.

Sámi allaskuvla lea 2014 rájes ovttasbargan Finnmárkku oahpahuskantuvrrain, ja dan rájes lea leamaš unnimusat okta oahpahalli organisašuvnnas áigges áigái. Allaskuvla háliida rekrutteret eambo oahpahalliid eanet surggiin, ovdamearkka dihte Kantuvra- ja hálldahusfágas. Seammás oaidnit dárbbu kártet organisašuvnna kapasitehta dán suorggis,

dáhkidan dihte ahte oahpahusfálaldaga kvalitehta bisuhuvvo, vaikko livčče ge eambbo oahpahallit ovtta dásis. Dan dáfus atnit deháleabbon ahte dat oahpahallit geaid rekrutteret organisašuvdnii, ožžot doarvái čuovvuleami, mas fas lea stuora mearkkašupmi dan hárrái ahte čadahit go oahpahallit oahppomannolaga.

Dásseárvu, girjáivuohta, vealaheapmi ja beasatlašvuohta

Sámi allaskuvla bargá aktiivvalaččat olahit dásseárvvu sohkačeliid gaskka. Dát deattuhuvvo virgáibidjanproseassain ja studeantarekrutterenbarggus. Bargiid gaskkas oaidnit dattetge ahte nissonolbmot leat čielga eanetlogus. Dát vuhtto buoremusat dutki- ja oahpahusvirggiin. Dattetge lea dievdoolbmot čielga eanetlogus professorvirggiin. Eará virgekategoriijain leat nissonolbmot čielga eanetlogus ja lea ge maid dušše okta dievdoolmmoš stipendiáhttan.

Dattetge lea ovdáneapmi positiiva 2018 rájes, dan dáfus ahte fágabargiid sohkačelbalánsa lea buorrráan buot kategoriijain, earret kategoriijas vuosttašamanueansa/-lektor/dutki, gos nissonolbmuid oassi lea lassáan sullii 7 proseantačuoggáin. Lea dattetge mearkkašan veara ahte smávva loguid geažil dahket smávva rievdadusat stuora erohusa go rehkenastá proseantaoasi.

Tabealla 4: Fágabargiid sohkačeljuohku

	Nissonat	Dievddut
Professor/doseanta, oktan prof.II	30,23	69,77
Vuosttašamanueansa/- lektor/dutki	79,36	20,64
Allaskuvlalektor/-oahpaheaddji	70,85	29,15
Rekrutterenvirggit	91,07	8,93

Sihke hálldahuslaš bargiid, čorgen-, doaibma- ja mátasdoallanvirggiid dáfus leat nissonolbmot čielga eanetlogus. Hálldahuslaš virggiin lea nissonolbmuid oassi lassáan 2018 rájes.

Tabealla 5: Hálldahuslaš virggiid, čorgen- ja doaibmabargiid sohkačeljuohku

	Nissonat	Dievddut
Hálldahuslaš virggit/áššemeannudeaddjit	76,94	23,06
Čorgejeaddjit ja doaibma- /mátasdoallanvirggit	81,48	18,52

Jodihangottis leat nissonolbmot čielga eanetlogus. Juste dál lea okta dievdoolmmoš barggus fágalaš mearreáiggevirggis ja aitto lea virgáibiddjon dievdoolmmoš fágalaš jodiheaddjin, guhte álgá 2020:s. Earret dán virggi, de leat eará fágajodiheaddjevirggiin nissonolbmot, oktan rektoriin, prorektoriin ja Sámi lohkanguovddáža jodiheaddjiin. Go reporterenáigemeari DHB:ii dievai (1.11.2019) de lei okta goahtejodiheaddjevirgi guoros, ja nu ii leat ge dát virgi mielde

meroštallamis vuolábealde. Dán virgái álggi nissonolmmoš 01.01.20. Hálddahuslaš jodihangottis leat golbma dievdoolbmo ja golbma nissonolbmo (oktan direktivrrain).

Tabealla 6: Jodihangotti sohkabealjuohku, jahkedoaimmaid mielde

	Nissonat	Dievddut
Fágalaš jodiheapmi	69,23	30,77
Hálddahuslaš jodiheapmi	50	50

Sámi allaskuvla bargá áigges áigái joksat buoret sohkabealbalánssa. Dát boahtá ovdan earret eará virgealmmuhusain. Lea dattetge erenoamáš hástaleaddji rekrutteret dievdoolbmuid. Dás sáhtta leat oktavuoha eará sohkabealbalánssain Sámis, gos guhkit áiggi lea leamaš dábáleabbo nissonolbmuid váldit alit oahpu go dievdoolbmuid. Guovdageainnu suohkanis oaidnit earret eará ahte 41 proseantta nissonolbmuid lea alit oahppu, ja seamma lohku dievdoolbmuid dáfus lea dušše 18 proseantta (Statistihkalaš guovddášdoaimmahat, 2018). Dattetge addá dát vel stuorát liibba bargat aktiivvalaččat buoridit sohkabealbalánssa dan servodatovddasvástádusa geažil mii Sámi allaskuvllas lea sámi servodagas. Lea jáhkehahtti ahte sohkabealjuohku bargiid gaskkas maiddái váikkuha studeantahivvodaga.

2019:s lei plánejuvvon ráhkadit sierra neahttasiidduid seksuálalaš vuortnuheami birra, muhto kapasitehtaváttisvuođaid geažil dát ii čadahuvvon. Bargu lea mañiduvvon 2020:ii ja adnojuvvo dehálaš gulahallangaskaoapmin organisašuvnna oainnu dáfus dán suorggis, sihke olgguldasat ja siskkáldasat. Dasa lassin sávvat ahte diehtajuohkin dieđiheami birra šaddá álkibun olámuddui buohkaide

Bargoeallinkriminalitehta

2019 juolludusreivviin lea váldojuvvon mielde oktasaš láidestus ahte háhkamat galget čadahuvvot ja čuovvuluvvot dakkár vugiin ahte dat eastadit bargoeallinkriminalitehta. Sámi allaskuvla čuovvu njuolggadusaid almmolaš háhkamiid hárrái, ja geavaha stáhta standárdašiehtadusaid go čállá bargošiehtadusaid. Dasa lassin leat mii mielde oktasašsiehtadusain mat leat heivehuvvon UH-sektorii. Háhkamiid šládja dahká ahte mii atnit Sámi allaskuvlla háhkamiid riskadási 2019:s hui vuollin.

Allaskuvla áigu bargat viidáseappot guovdduštít almmolaš háhkamiid ovddasvástádusa ekonomijjaossodahkii. Dát mielldisbuktá gelbbolašvuođahuksema ja kontinuehtta suorggis.

Servodatsihkarvuohta ja gearggusvuohta

Sámi allaskuvla lea 2019:s ođasmahtán áhahusa sihkarvuođa- ja gearggusvuođaplána. Leat dollojuvvon sihke teorehtalaš ja geavatalaš hárjehusat ja oahpahus bargiide ja studeanttaide, ja erenoamážit gearggusvuođabargiide.

Sámi allaskuvla lea bargan ođasmahttit diehtajuohkinsihkarvuođa jodihanvuogádaga (LSIS). Spiehkastatdustema vuogádagat ja rutiinnat leat buoriduvvon.

Persovdnasuodjalusáittardeaddji bođii doibmii jagi álggus, ja allaskuvla lea geavahišgohtán protokolla persovdnasuodjalusbarggus ja lea bargan bisánkeahtá persovdnasuodjalusmearrádusain (GDPR).

Sámi allaskuvla lea 2019:s vuoruhán servodatsihkarvuoda ja gearggusvuoda hui bajás.

V. Boahtteáiggeoainnuid árvvoštallan

Jahkeplána lea Sámi allaskuvlla eanemus guovddáš stivrendokumeantta 2017-2021 strategiiaplána duohtandahkamis. Jahkeplána gieđahallá dušše daid surggiid mat leat dehálaččat nuppástusaid joksamis. Jahkeplána čielggada stivrra deháleamos vuoruhemiid ja galgá seammás addit saji báikkálaš doaibmabijuide. Ovdánahttinšiehtadus mii galgá ráhkaduvvot Sámi allaskuvlla ja KD gaskka, bidjá ovttas jahkeplánain eavttuid doaibmabijuide vuoruhemiide ja čađahemiide lagamus jagiid.

Sámi allaskuvlla 2020 jahkeplána ja 2020 bušeahtta leat ollásit mielddusin (s 25 ja 36).

VI. Jahkerekhetdoallu

Jodiheddjiid kommentárat

Jodiheddjiid kommentárat jahkerekhetdollui man stivra lea vuolláičállán čuvvot mielddusin (s 37).

Jahkerekhetdoallu 2019

Jahkerekhetdoallu oktan dieduiguin čuvvot mielddusin (s 40).